


傅氏三書一

醫經玉屑



道象

譚組庵先生題像贊

唐蔚芝先生題家傳

蔡子民先生題詞

胡展堂先生題詞

于右任先生題詞

戴季陶先生題詞

陳陶遺先生題字

陳无咎先生題字

全國醫藥總會題詞

上海中醫協會題詞

施今墨先生序

楊富臣先生序

汪紹周先生序

薛文元先生序

謝利恆先生序

蔡濟平先生序

王一仁先生序

秦伯未先生序



葉惠鈞先生序

郁佩瑛先生序

自序

凡例

醫經玉屑總目

沈維賢先生題簽

黃任之先生題簽

李夢覺先生題詞

錢龍章先生題詞

張杏蓀先生序

自序

目錄

醫案摘奇總目

沈維賢先生題簽

黃任之先生題簽

沈湘之先生題詞

李夢覺先生題詞

錢龍章先生題詞

薛逸山先生序

張杏蓀先生序



自序

目錄

古胎統志總目

沈維賢先生題簽

自題

秦伯未先生題詞

李夢覺先生題詞

錢龍章先生題詞

自序

新例

目錄

附錄

郁佩瑛君課藝一則

振興國醫學芻議

析疑十五則

校刊記

跋

正誤表

傅君耐寒家傳

余居鄉時。夙聞劉河名醫。有傅大刀



或曰大刀者。氣魄之雄大也。或曰。刀圭之中理也。後乃知其不然。蓋其癘疾危殆。羣醫束手。乃延傅君以決之。君至則批卻導窾無弗愈。然儒怯者不敢嘗其藥。故有大刀之稱。或別號之曰傅一帖云。余考往昔名醫。如葉天士。如薛生白。如徐洄溪。皆以其術鳴。然其時西醫尚未盛行。所精者中學耳。而傅君則通貫中西。發明醫理。往往出人意表。其所著書。最顯者凡三種。一曰醫經玉屑。周禮疾醫參參以九藏之動。察陰陽之相生相化。其理實通於周易之太極生兩儀。兩儀生四象。而君書有補述九藏功用九條。且以腦為太極。心腎腎為兩儀。其言曰昔黃帝定天下。與歧伯等六臣。互相講論。而成內經。景岳曰。大哉至哉。垂不朽之仁慈。開生民之壽域。洄溪曰。古聖人洩天地之秘。奪造化之權。其理精深。其詞古奧。惟瀏覽各注。疎漏難免。故作玉屑以闡明之。上契易傳之精微。遠紹禮經之職掌。靈樞精蘊。於焉旁通午貫而靡遺矣。其二曰古胎統志。君自序曰。內經難經中藏經諸書。皆無辨古辨胎明文。惟長沙傷寒論。有古白胎滑一語。亦別無餘辨。嘗歷覽金鏡錄三十六圖。觀古心法百三十七圖。張誕先傷寒古鑑百二十圖。葉天士溫證古辨數百首。類皆辨於傷寒之門。絕不與於雜症。爰採傷寒門之精微。補雜症中之

妙用。而作是書。且謂觀古之要。全憑日色。弗假火光。
緣火光閃爍。黃白易易淆。根底不顯故也。凡屬茲論。皆
發前人所未發。望氣者。進而為察胎。庶得望聞之橐籥矣。
。三曰醫案摘奇。君自序曰。病者不平也。醫以平其病。
使其平也。凡醫病當探其原。切其因。辯其惑。考其證。
或不效。必參而詳之。僕因病稍重。予以不寒、不熱、不
表、不裏之方。自居於無過之地。是適以殺之也。嗚呼。
可謂仁人之言矣。顧君有奇遇。鄰婦馮姓臨蓐前後。患水
腫甚。眾醫莫能治。君苦思無奇方。丙夜忽聞空中人語云。
。宜用文蛤散。如是者再。君豁然曰。此金匱方也。顧與
水腫不相涉。正躊躇間。門外剝啄聲甚厲急。啓視則馮夫
踵門求藥。卽以文蛤散方投之。至平旦大泄立瘥。由是名
傳遐邇。昔扁鵲飲長桑君藥。見垣一方人。以此視病。盡
見五藏癥結。君之過。殆與之相類焉。君諱松元。字耐寒。
。一字松園。世居太倉。自其五世祖諱五叙以來。代以醫
名。曾祖諱兆龍。始遷劉河。祖諱鈺。父諱濟德。君出為
從父諱濟仁後。少從張君梅溪遊。教授四書。穎悟異常兒
。性至孝。值洪楊亂。^(亂)乃挈全家避難。君獨殿後。以翼
衛父曰。甯可亡松。不可傷父。其誠至如此。亂平歸里。
遂殫心習醫。旋又從表兄毛似蘭孝廉。

學近思錄。力行精進。日新其德。而於古今中外醫學。益深研究。蓋藝也。而精乎道矣。性尤剛介。有某醫治疾。輒勸人服雅片。君譙讓之曰。治病自有法。何用以雅片害人。縱不死於病。必死於貧。真不仁人也。同鄉湯姓病服雅片。沉疴將不起。君誠之曰。第服我藥。至食雅片時。能堅忍不食。立愈矣。後果霍然。人咸服之如神。德配劉氏。有賢德。善治家。子三。長曰雍言。次曰丕承。三曰一清。均以醫學世其家。而雍言懸壺海上。尤著名於一時。君既卒之十七年。雍言刻君所著書。裒然成巨帙。稽顙來請傳。余以君之學。實足繼天士生白洞溪為四名家。爰大書之。俾世之學醫者。知仁術之必本於心術也。清賜進士出身曾誥授光祿大夫農工商部左侍郎署理尚書鄉愚弟唐文治拜撰

施序

晚近中醫之所以為世詬病者。以其不明人體臟腑組織。不識病患所在地。徒以肝木脾土內傷外感等術語。籠統敷衍之。幸而治愈。藥效也。使無中藥多數之特效藥。則中醫之存廢。或成問題矣。然則今之欲為中醫者。必先深通古醫真意。熟悉近世科學。取西醫診斷法。用中醫藥治之。凡病焉有不治者乎。即欲整理中醫。使



學方法整理之不可。科學化的中醫學。實今日所必要急需者也。今讀傅公遺著。醫書三種。觀其察脈辨舌、處方、遣藥諸端。不特深合古法。兼能運用科學精意。故病無不治。而澤流孔長。後之以整理中醫自任者。其亦知所取法乎。中華民國十九年九月後學施今墨序

楊序

昔者嘗怪山陬海隅。窮鄉僻壤。豈遂無聰明異稟之士。生於其間。而學術之卓然。能自樹立。稱道於人人者。何其少也。及讀漢學師承記。然後知苟無父兄之濡染。師友之熏陶。雖天才超異。而耳目之隘陋。門徑之昏迷。往往徒耗日力。誤入歧途。垂老而終不能蹴於湛深寬絕之境。篋子曰。少而習焉。其心安焉。不見異物而遷焉。其父兄之教。不肅而成。其子弟之學。不勞而能。余細繹其言。觀於吾友雍言先生。歷代相傳之醫學。益信其有徵也。太倉傅氏。自五叔先生治醫學以來。七傳而至雍言先生。雍言為人和易可親。藹然有仁者之風。余初不識雍言。得薛逸山先生之介紹。聆其言論。獲其診治者。九年于茲矣。其學識之宏超。問切之精詳。高出尋常萬萬。是以余就經驗所及。凡內科病症。信西醫終不若中醫。尤不若雍言之深。每抱微疾。必以煩之。

時。距滬濱且數百里。亦惟吾雍言是請。蓋效之者。信之深也。今雍言出其尊人。耐寒先生手著遺書。七卷見示。行將付梓。以公於世。而問序於余。余惟朝夕過從之相知。學術遞傳之可恃。故具道其所以。吾知是書一出。不待讀其內容。觀夫歷世傳授之悠長。雍言庭受之親切。其可貴重為何如耶。

民國十九年庚午中伏粵東大埔楊富臣謹序

汪序

吾里人有客滬上者過余。曾言染疾甚憊。幸遇傅先生雍言療之得瘳。惜語焉未詳。後復遇友。始悉先生為劉河世醫家。應診申江。治人甚衆。於是心儀之不能舍。今歲仲冬。及門曹生。寄示傅氏三書。展讀竟。然後知先生之宅心仁厚。醫學淵博。其來有自。夫三書者。先生尊甫耐寒先生遺著也。曰醫經玉屑。擷經義之精。而闡發新意。曰舌胎統志。集衆家之說。而定其從違。曰醫案摘奇。叙平生所治奇險大症。精思妙法。臚舉示人。蓋其見理明。審症確。用藥果。而病無不治也。先生既守家傳之秘。益以天才卓絕。故能融古於今。所施悉當。頌者齊其喙而一之。雖寡陋如愚者。猶得耳而詳焉。庸非醫林翹楚哉。今將三書付刊。以公諸世。不特揚先德之清芬。

明是非。泯畛域。由故知新。而能樹中醫之幟也。是則先生善繼之志。而亦耐寒先生遺意也歟。欽佩之餘。謹綴數語。序云何哉。

中華民國十九年仲冬浦左汪紹周氏謹誌

謝序

耐寒先生歿之十六年。哲嗣雍言輯其遺著。為傅氏醫書三種。並自為校刊記。問序於觀。觀曰。余早歲讀袁枚之傳徐大椿。未嘗不景慕其人。今讀傅氏書。蓋重有感焉。醫非聰穎明達之士不可為。而今之聰明穎達者。輒鄙棄為小道。亦非慈祥愷惻者不足學。而今之慈祥愷惻者。又多不願為醫。於是醫之道日窮。而醫之技日益下。及觀耐寒先生以文蛤散治水腫。并案中之三折肱。何思之誠。而心之仁也。門生故舊之過劉河者。猶聞其鄉人士稱道勿衰。則其德澤之溥。尤可想見。方之大椿無多讓也。雖然大椿以際遇之隆兩蒙徵召。名播朝野。耐寒先生乃寂寂於鄉里者五十年。未聞有名公鉅卿。從而推轂。潛德幽光。隱而勿耀。而後吾知中醫碩宿。湮沒於山林田野者。大有人在。得賢子孫以闡發而表揚之。正如濟世之慈航。醫林之楷範。吾儕負發揚中醫職責者。得此遺文以垂示後。先輝映。甯非醫界之大幸耶。殺青有日。謹敘數言。

民國十八年十一月日 武進謝觀利恆拜序

薛序

懷特立獨行之志。窮抱道在躬。而不屈不撓。窮不失節者。此義士之操也。抱救人濟世之心。雖吾道不行。而已溺已飢。托於副業者。此仁人之心也。既守義士之操。復宅仁人之心。予於明清之交。得二人焉。二人俱傳姓。一在大河以北。一在大江以南。大河以北者為誰。太原傅青主是也。大江以南者為誰。予同道太倉傅子雍言之始祖是也。然青主徵君。高風亮節。享名於當時。鴻著遺編。流傳於後世。而雍言之始祖。為有明武員。義不食清祿。退耕於野。用囑後人習醫。以拯蒼生。之二人者。其操^守也同。其宅心也亦同。而雍言之始祖。隱沒無聞者。將三百年。豈顯晦之迹。有幸有不幸耶。抑或有所待歟。予與雍言先生。交近十稔。其議證處方。往往獨抒機軸。久已心儀其為人。近出其先君耐寒公遺著醫書三種。而問序於予。拜而讀之。玉屑則摘謬指正。無古無來。統志則敲精洗髓。探本探源。醫案則拍案叫絕。^{亦警}亦奇。用知雍言先生之學術。淵源有自也。抑又有進者。青主徵君。雖及身享名於當時。遺著傳誦於後世。而其後裔。亦隱沒無聞焉。雍言先生自先祖行醫。以迄於姪孫行。凡歷^世世中。於^此以^鳴鳴於

時。而武技亦有繼而足述者。其餘緒方綿綿不替。亞聖有言。君子之澤。五世而斬。斯其遺澤為何如耶。武技與醫術。進可以捍衛國家。退可以救濟鄉里。倘所謂吾道不行。而已溺已飢。托於副業者歟。今也國術方如怒潮澎湃。而國醫正處於風雨飄搖之中。凡我醫界同人。對於先哲遺著。甯可不負宣揚之責耶。且傅氏曾祖手澤。已經一燬於洪楊。而耐寒公遺著。獨得免劫於齊盧。則更知精靈之鬱遏也彌久。其磅礴而發洩也亦彌顯。是以必待雍言先生而始著耳。今已付梓。逆知出版以後。會與徵君女科。同為醫林中不傳之珍秘。其有功於斯民斯世者。奚可量哉。傳云太上立德。其次立功。其次立言。於戲。三者足以並垂不朽矣。是為序。

民國十九年七月江陰薛蕃文元謹序於春申江畔之一瓢硯齋
蔡序

傳曰。三折肱知為良醫。又曰。醫不三世。不服其藥。蓋經驗與學問并重也久矣。凡事皆然。而醫尤要。傅君雍言懸壺海上。歷有歲年。本淳于聖儒之心。行宣公治人之實。濟平同道為朋。時相過從。有嚶鳴之雅。而獲切磋之益焉。日者以校刻尊甫耐寒先生遺著傅氏三書。索序於余。雍言迺僞曰。傅氏之先。為明武職

清朝。命子孫習醫。自順康以來。傳醫者九世。世有聞人。
。顯名郡邑。先府君淵源家學。行道太倉劉河間。有仙醫
之稱。平生為學甚劬。年逾六十。夜闌燈炮。猶手不釋卷。
。著錄甚多。此三書者。經往歲甲子蘇浙構戰。家中書籍
大半散失。而三書獲存。幸也。亦云險矣。今距先府君棄
養。忽忽十有七年。撫茲手澤。彷彿與兩弟當年侍診時。
再不整理壽世。則人無為有繼志述事之子矣。濟平聞命心
儀。受而讀之。三書者。醫經玉屑也。醫案摘奇也。古胎
統志也。大抵精熟古書。廣臨今症。症固出奇而無窮。學
則探原而有本。如庖丁解牛。提刀四顧。躊躇滿志。實則
以無厚入有間。故恢恢乎游刃有餘。又如輪扁斲輪。不徐
不疾。得乎心而應乎手。及其至也。臣不能以語臣子。臣
子亦不能得之於臣。斯固中國醫學最精之妙諦。而非可以
科學定律。求諸跡相者也。此三書者。更如禪宗不立文字
。然已立文字。是在好學深思。心知其意。醫學津梁。於
是乎在。雍言能讀父書。克傳世業。不忍先人心血。散佚
湮淪。汲汲焉與羣季哀輯校讎。付諸剞劂。以一家言而貢
獻於社會。此於行為至孝。於德為大公。方今醫藥風潮。
震撼未已。端賴材智之士。發揮國學而光。九世之醫
可十。而三書之作可四也。雍言勉乎哉。



王序

自東西海洋交通而後。中國物^質資、無長足之進展。以至舊傳學術。幾有不能自存之勢。抑知民族之精魂。係乎學術文化。縹緲卷軸。壓絕人寰。雖西方學者。亦將俯服。而學術中之尤裨實用者。莫如醫。醫為性命之學。往昔聖哲之哲從事于茲者。上自神農、黃帝、岐伯、雷公。下至秦越人、張長沙、華佗、孫思邈、王叔和。其人皆抱負超羣絕俗之才。其所造詣。皆駸駸乎參造化而奪之權。信當時而傳後世。夫豈偶然。賈子鵬鳥賦有言。天地為爐兮。造化為工。陰陽為炭兮。萬物為銅。中國醫藥。乃能据萬物之巔。探陰陽之妙。氣象萬千。變化各異。科學機械。可以為中醫藥之助。而不能奪中醫藥最高之一席。古人有言。能精心性之學。則四書五經。不當為我註脚。余亦謂能精中醫之學。則西醫科學。皆可為之註脚。助之運用。惜乎中醫藥之至今日。所剩者。祇有些少之靈魂。僅此些少之靈魂。亦有飄蕩沉淪之厄。其所附麗之軀體。乃致衰頹不振。何以言之。醫以一心應萬病。萬病之變。其法乃各又有異。所謂法者。初不限于湯藥。如按摩、針灸、灸、晒、解剖。以及運用自然、及器械療法者。學法多端。要亦各有

當。而此萬有之療法。皆各有其原理。端緒雖多。貴在尋源溯流。而後泛應不惑。中國之醫藥。殆能識其大者遠者。是以廣博精深。垂世長久。收効亦宏。然以世界潮流之急。中醫藥界本身之每況愈下。不獲恢復光大。醫者僅得湯藥之粗。遑論他術。藥業且遺古法。更何創新。軀體將殘。而靈魂僅在。收拾散亡飄蕩之靈魂。充實康健強碩之肢體。在今日以後醫藥界之責任。不綦重歟。太倉傅君雍言。少懷大志。移改革政治之衷。為重整醫藥之事。壯抱雄心。垂老而彌篤。余與君相處十年。道義磋磨。情感孚洽。且知君之先世。固亦習醫。出其先人著述三種。雖半爪一鱗。語多精粹。以現代之學說。發國學之幽光。若傅君之學有本源。尤可徵信矣。世有恆言。羅馬非一日所成。今欲建設中國新醫藥。進而建設世界新醫藥。原非可一蹴而幾。不乞賢哲。必能相與有成。而余尤有言者。傅君有子盡聰明。余並望其能承父祖之志。努力深造。本愚公移山之願。揮魯陽返日之戈。中國民族。必能自救。中國醫藥。必可創成。傅君有三書之刊。拉雜書此。以相勉勗。序云乎哉。

民國十九年八月日浙江衢縣王一仁識

秦序



吾蘇之以醫世其家者。若重固何氏。珠溪陳氏。劉河傳氏。
。而未有如傅氏德澤之長。猶繼其先人餘緒者也。傅氏為
醫。昉於五叙先生。遞傳至耐寒先生。再傳吾友雍言先生
凡七世。今其猶子女公子。又見行道滄濱矣。代多奇特之
才。往往以治險症聞於時。而耐寒先生聲譽獨隆。辨疑似
。析毫芒。若飲上池水。洞見一垣。人以危候見邀。輒一
劑而知。再劑而起。因稱之為大刀。蓋其學高識廣。心靈
手敏。自非時醫所能京也。遺書有醫經玉屑。舌胎統志。
醫案摘奇。共成七卷。妙理名言。發前人所未發。雍言先
生擬整理。以付削青。而丐文於濟。不禁喟然曰。先人遺
書之傳不傳。雖關乎天命。亦端賴有賢子孫哉。溯先大父
又詞公。被醫名者四十年。嘗診顯橋胡氏女。腹痛呼號。
羣醫束手。公診之不語。退書生化湯。覆盃而愈。蓋女私
產瘀阻。已不能宣。而醫無所指。公獨能燭其隱也。又治
杜行楊姓。輿至已氣絕。家人方環而哭。公^入曰。吾至姑
視之。切其脉沉伏而鬱。曰未死也。投四磨飲。氣微利而
甦。於是隣里奉之如神仙。今醫案之存家中者盈尺。垂公
之歿。十五春秋。而濟僅選刊數十則。於清代名醫醫案精
華。未能整理全豹。刊行於世。以視雍言^{先生}。漸^江交^并
矣。雖然耐寒先生遺書之刻。當歿後十^載。則^濟之視雍

言先生。倘猶難言先生之視齊。不無同感焉。因序先生書而拉雜及之。

中華民國十九年三月五日上海秦之濟伯未謹序。

葉序

我國人口之衆。冠於世界各國。前廿年統計為四萬萬人。今姑不論其或多或少。此四萬萬人。誰不曰我黃帝之子孫。黃帝之事業。詳載於史冊。我輩在四千年後。猶能想見其為人。其創造諸物。尤我人飲德而不能忘者。但迄於今日。其所垂之物。類都踵事增華。或且遺韻無存。而與人生至關重要者。厥維醫學。故內經未被秦火。遺文猶在。攝生者。習醫者。靡不奉為圭臬。世世勿替焉。夫周禮有疾醫之文。歷代有太醫之設。詎偶然哉。胡今之人。好驚新而棄舊。輒曰內經偽譌不足取。中醫陳腐不足學。甚且力詆而痛排之。噫。我黃帝所垂之醫學。可論病以及國。原診以知政。生死人而肉白骨者。不亡於嬴秦。殆將泯滅于今世。保存國粹云乎哉。紀念黃帝云乎哉。詩曰。斂帶甘棠。勿剪勿伐。生命之醫。何必欲剪伐之。是余之所不解者也。雖然一事物之歷數千年而不替者。其必有可存之道。縱令摧殘。祇如日月之蝕。益顯其光。大而巳。而寒太親翁。劉河望族。世以醫傳。宅心仁術。功在生靈。所